



**Thesaurus Eloqventiae Sacrae Et Profanae, Saluti &  
incolumitati Rerumpublicarum utilissimae**

**Alberti, Alberto**

**Coloniae Agrippinae, 1669**

Imbecillitas ingenii Adversariorum magis ostenditur.

---

[urn:nbn:de:hbz:466:1-69225](https://nbn-resolving.de/urn:nbn:de:hbz:466:1-69225)

enim jam pridem Adversarii longā disputatio-  
nē à me adacti, Orationes ad magnum, durum-  
que persuasionis finem exprimendum ineptas  
abesse elucubrari, ingenuè tandem concesser-  
unt: quid ultra laboramus, aut querimus? an  
non una quoque vel reluctantēs, aut certe im-  
prudentes, spes omnes suas de ingenii laureā  
decepēndā accītas esse, atque eversas conces-  
serunt? Si enim non ingeniosus, sed stupidi in-  
genii artifex censetur, qui instrumentum ad e-  
gregium, difficilemque finem obtinendum, in-  
eptum constituit: Adversarii mei non erubescēt  
fateri suas Orationes non solum spectatissimo  
& laboriosissimo persuasionis fini nihil opitu-  
lari, sed plurimū etiam incommodeare, & ni-  
hilominus de ingenii prærogativā mentionem  
facient? Adeone spissis intelligentiæ tenebris  
erunt involuti, ut quum ad persuadendum vim  
nullam asserre queant; omnem simul cum hoc  
ingenii stupore laudem se prodegitse, & perdi-  
dissent non videant? Et quæ ingenii species, quæ  
umbra ad eos pertinere potest, qui ita ingenio-  
si sunt, ut quum Orationem sublimi, arduoque  
persuasionis fini extundendo idoneas, in quo  
summa ingenii laus posita est, à se conflari non  
posse, palam fateantur, ingenii tamen palmarū  
ad huc inaniter ambiant?

*Imbecillitas ingenii Adversariorum  
magis ostenditur.*

130, **S**ed placet meorum Adversariorum in-  
genii imbecillitatem ex hac maximè

I S

per-

persuasionis corruptelā manantem paulò curiosius adhuc introspicere. Qui enim in brevi paucarum horarum, imò vix mille passuum itinere molli, & complanato subito defatigatur, valde, opinor, de tanto suorum pedum labore gloriari posset: & qui in editiorem paulò sublatus speculam, oculos sibi, caputque in orbem rapi sentire, magnam scilicet præ se ferret oculorum, capitisque firmitatem, Thraciæ populos \* quod præ memorie debilitate supra quaternarium numerum pergere numerando nequeant, bardos omnino, ac fungos in numero utique sapientum isti collocabunt. An tu cursorum velocissimum pronuntiabis, qui nolum usquam recto gradu movere vestigium: qui in voragine incidit? qui incertis semper pedibus errabundus vagatur? qui nec recta incedit,

A nec rectus potest insistere? Imò verò tanquam varum, vacuum, claudumque exsibilabis. Tunc fano eum capite, integroque iudicio dicas, qui crudo semper stomacho ructus tantum sonat? qui crapulam identidem evomit? qui lapsus abundo semper gressu, atque in ruinam prono, in transversum perpetuo reciprocatur, qui capitis vertiginem in pedes usque demittit? qui por-

B tenta loquitur? qui vigilans monstrosè somniant? Quin lurconem potius, ebriumque vinumancipium asseverabis. Tunc oculis illum

C lynceis censeas, qui in meridianâ luce caligat? cuiusudo cælo, nube semper pupilla obductitur? qui nihil longè positum valet intueri? cui sem-

D per tabe oculi exeduntur? cui omnia recta obliqua, etiam extra aquam videntur? qui omnia

\* Aristoteles l. 15. Problem. / et. 3.

di-

distorta cernit rectissima? Et hunc tu Argum  
innumeris, ut est in fabulâ, oculatum lumini-  
bus, officioso Poëtarum mendacio arbitra-  
ris? Imò vero lippum, luscum, cæcum, & oculis E  
vespertilione, talpaque magis orbatum jura-  
bis. Nunc quæro ab Adversariis meis tam in-  
geniosis, quid caussæ sit, cur in brevi Oratio-  
nis cursu à re propositâ inculcandâ eorum in-  
genium tam subito frangatur ac delasserur?  
cur nunquam ultra caussam urgendo progre-  
diantur? quid acuminum similitudines simili-  
tudinibus in eodem rationis vestigio semper  
agglutinent? Eia pergite. Novum aliquod at-  
gumentum promite, gradum aliquem confir-  
mationis adjungi e. Quorsum ad eundem la-  
pidem pigerrimi viatores, imò inertissimi Ora-  
tores continenter sessitantes concolores sem-  
per, pariumque planè virium sententias appin-  
gitis? Ingenii imbecillitas vos remoratur, sat  
scio: nullus, nullus latebræ locus est? proditi e-  
stis? tenemini. Cur in præaltam amplificatio-  
nis turrim gradum facere vetamini? cur recto  
quæstionis tramite relicto, huc atque illuc tem-  
erè reptantes, in avia semper à fine persua-  
dendi, semper in dissentanea, in peregrina sem-  
per abrepti, in nugaturum levidæs stylum sem-  
per impingitis? Cur rectâ, nervosè persuadend-  
o, nunquam insistitis? Cur ad amissim ultra  
nunquam iuceditis? nempe vano, ac desul: o-  
rio ingenio prohibemini. Cur in gravi Con-  
eione argutias, sales, lepores, & piperata dicta  
contra officium benè morati hominis eructa-  
vis? Cur capitis quasi circumacti turbine, in-

putidorum sensiculorum orbem luditis? cur in  
mensam honestissimæ Auditorum coronæ a-  
cumina indigesta, cruda, & male cocta exone-  
ratis. ne dicam, vomitis? nimis um ~~ambitionis~~

**G** vino appoti non leviter, ingenio minime so-  
brio æstuaris. Cur in fabricandâ Oratione, que  
sit cuiusque argumenti vis, non dispicis? cur  
quæ sit recta persuadendi norma, non observa-  
tis? cur, quis sit omnium rationum color, non  
internoscitis? cur, quid excipere auditor possit,  
quid retorquere adversarius, quid reclamae  
judex, non providetis? Cur totius ordinem, se-  
riemque Concionis in ipsomet principio non  
animadvertis? Cur, quæ in prospectu tantum-  
modo sunt, oculisque subjecta, consideratis;  
remotiora vero, aut tantillo disiuncta interval-  
lo negligitis? Cur ultra quatuor, ut sic dicam,  
acumina, mentis aciem non porrigitis? cur  
quando torquenda enthymemata, quando  
mores interponendi, quando affectus miscen-  
di, non attenditis? Scilicet oblivious, & tene-  
bricoso caligatis ingenio. Quum igitur acuti-  
sti Declamatores in Orationum, Concionum-  
que instrumentis ad finem persuasionis inve-  
niendum, persequendumque apriandis ita men-  
ta defatigentur, nutent, labascant, claudent,  
excutiant; quantâ ingenii tenuitate,  
quantâ solertiæ imbecillitate vacil-  
lare, necesse est.

Opus